

Forfatter: Blicher, Steen Steensen

Titel: Udrag fra E Bindstouw (DK) (paralleltekst med Rigsmaulgengivelse)

Citation: Blicher, Steen Steensen: "Noveller", i Blicher, Steen Steensen: *Noveller*, udg. af Esther Kielberg ; Henrik Ljungberg , Det Danske Sprog- og Litteraturselskab, Borgen, 1991, s. 234. Onlineudgave fra Arkiv for Dansk Litteratur: <https://tekster.kb.dk/catalog/adl-texts-blic03val-shoot-idm140515387572352/facsimile.pdf> (tilgået 20. april 2024)

Anvendt udgave: Noveller

E Bindstouw

De war e Awten fa bette Jywawten – nej hold! – A lywwer – de wa sgi den Awten far ve indda, dæ wa Binnstoww te e Skwolmæjsters, ham Kræn Koustrup – I kinne ham wal? Dæ wa nok dæ kinnt ham, for om e Vinter wa han Skwolmæjster, men om e Sommer wa han Muhrmæjster; aa han wa iih døgte te beggi Diel. Aa han ku mier end de, faa han ku stel Blued, aa vis igjen aa vænn e Vind, aa lehs øwwer baallen Fingger, aa moej mier. Men te az maahn wa han ett saa ful-komnele som e Präjst; for han had ett gon i den suet Skuel. Saa wa vi da samled aa hicle e Boj – ja ja! Lysgor Boj er ett saa faahic stuer: der er ikkun sejs Goer az nowwe Huhs; men saa wa di der aasse az Kappalle, az Tejstrup, az A trowwer dje Kaacl i Knækkebaarre war aasse drøwwen dæte. Men de ka no vah de samrn. No Falil! Saa had vi da ænnele molt aa, az had aal sammel faat wo Gaanænner øwwer c Kroeg i e Lowt øwwer e Skyww, aa had aasse begynt aa læ di fem Pinn jest ve. Saa sejer e Skwolmæjster: »Æ der ingen az Jer, dæ vil synng Nød, ælle faatæll Nød, saa lidd ed saa gjæwt mæ de hæhr Værkeries. Saa tow hun Uret – hin Kjen Pajster frae Pahvse – for hun er aalti saa frammtaahlen – »A ku gjahu synng Jer en bette Vihs, om I ejes gad hoer en?« – »Da ve vi aasse delk suet A: »Klo Do kum te!« – Saa saang hun aasse en Vihs. A haad aalle hoer en fahr; men A ka aallywei gaat howw en; az den gik da ænnele soen:

Staeren sedder o Gowlen
Aa synger som han ka bæjst.
Nejenfor goer han Ejler,
Aa fløtter hans Hosbonds Hæjst.
Baanked han fast Tyrhælen,
Smed Keilen dærwwenapo,
Vænt han sæ om a Staeren:

Selvständigt udgivet 1842

234